

## Reglugerð nr. 28 um úrslit, viðurkenningu á árangri og íslensk met

### 1. grein – Skráning árangurs og varðveisla

FRÍ heldur gagnagrunn um árangur (úrslit) frá mótum sem viðurkennd eru af sambandinu.

### 2. grein - Afhending úrslita og miðlun

Framkvæmdaaðilar móta sem viðurkennd eru af FRÍ skulu senda úrslit til skráningar í gagnagrunn FRÍ.

Framkvæmdaraðila ber að tryggja að þátttakandi fái í skráningarferlinu fræðslu um nauðsynlega vinnslu og miðlun persónuupplýsinga sem skráðar eru í tengslum við mót. Að lágmarki skal upplýsa þátttakanda um söfnun og vinnslu nauðsynlegra persónuupplýsinga um þátttakanda og að úrslit í viðurkenndum mótí sé miðlað til FRÍ til birtingar í afrekaskrá. Til að FRÍ geti vottað og staðfest úrslit hlaups skal framkvæmdaraðili tryggja lögmæti nauðsynlegrar vinnslu persónuupplýsinga um þátttakendur og sjá til þess að allir þátttakendur í viðurkenndu mótí undirgangist sérstakt ákvæði í skráningarskilmálum, sem FRÍ leggur til, sem nær yfir framangreint.

### 3. grein - Íslandsmet

Íslandsmet er besti árangur sem íslenskur keppandi (karl eða kona) eða sveit nær á innlendu mótí viðurkenndu af FRÍ og erlendu mótí sem viðurkennt er af frjálsíþróttasambandi undir World Athletics.

Íslandsmet skulu skráð í gagnagrunn FRÍ samkv. 1. gr. og birt opinberlega á vef FRÍ.

Íslandsmet má setja í greinum sem skilgreindar eru í 32. gr. almennra keppnisreglna World Athletics (e. General Rule), útgáfu ársins 2024.

(FRÍ heldur auk þess sérstaklega utanum Íslandsmet í keppnisgreinum innanhúss sem ekki er getið um í ofangreindum reglum, s.s. langstökk, þrístökk, stangarstökk, kúluvarp.)

FRÍ heldur auk þess utanum besta árangur í öðrum greinum.

Um aldursflokkamet í sömu vegalengdum fer samkv. reglugerð nr. 26 um aldursflokkaskipan og að því gefnu að skilyrði lágmarksaldurs séu virt samkvæmt þeirri reglugerð.

Flögutími (e. chiptime) gildir til viðurkenninga á aldursflokkametum í hlaupum utan vallar.

### 4. grein - Viðurkenning afreka íþróttamanna með fatlanir

Met í fötlunarflokkum innan frjálsíþróttá eru ekki á forræði FRÍ. FRÍ gerir samkomulag við ÍF um utanumhald metaskrár í fötlunarflokkum og verklag við staðfestingu þeirra meta.

### 5. grein - Staðfesting á meti

Til að met fái staðfest þurfa eftirfarandi skilyrði að vera fyrir hendi:

- a) Mót þarf að vera viðurkennt samkv. 3. gr.

- b) Keppandi þarf að hafa undangengist lyfjapróf samkvæmt reglugerð FRÍ nr. 24 Reglugerð um lyfjapróf og met.
  - i) Ef um met í boðhlaupi er að ræða skal a.m.k. einn keppandi úr sveitinni undirgangast prófið. Val skal vera tilviljunarkennt og skal lyfjaeftirlitsaðili viðkomandi móts bera ábyrgð á valinu.
  - ii) Þetta skilyrði á ekki við um aldursflokkamet, eða besta viðurkennda árangur í greinum öðrum en Íslandsmetsgreinum.
- c) Árangur skráður í gagnagrunn FRÍ.

## 6. grein - Umsóknir um staðfestingu meta

Umsóknir um staðfestingu meta skulu berast innan 14 daga frá því met var sett. Það er á ábyrgð keppanda að umsókn um staðfestingu meta berist FRÍ. FRÍ staðfestir met eftir að hafa gengið úr skugga um að öllum áðurnefndum reglum hafi verið fullnægt.

### Saga

1. Ný reglugerð send út til kynningar á formannafundi FRÍ í des 2024.